

ELKARBIZITZAREN BEHATOKIA

ZER DA?

Elkarbizitzaren Behatokia da ikastetxeko eta eskola-komunitateko elkarbizitzaren inguruko helburu edo jarduerak erraztu, sustatu, garatu eta ebaluatzeko erreferentziazko egitura edo organoa.

Organo horren eraketa eta presentzia xedatuta dago Euskal Autonomia Erkidegoko unibertsitateaz kanpoko ikastetxeetako ikasleen eskubideei eta betebeharrei buruzko abenduaren 2ko 201/2008 Dekretuaren 5.2. artikuluan.

Ikastetxeko Elkarbizitzaren Behatokiak helburu hauek izango ditu:

- 1.- Praktika demokratikoak sustatu eta berdintasunezko harremanak bultzatu.
- 2.- Eskola komunitatekide guztiak baloratuak, entzunda eta partaide direla sentiarazten lagundu. Erabakiak hartzeko ardurarik badutela eta ikastetxeko bizitzaren parte aktiboa direla sentiarazi.
- 3.- Errespetuan eta elkarrizketan oinarrituriko elkarbizitza sustatu.
- 4.- Elkarbizitzari buruzko ikuspegi globala ezarri, eta prebentzio-jarduerak eta hobekuntza-neurriak proposatu.
- 5.- Elkarbizitzaren azterketa, balorazioa eta jarraipenerako jarduerak garatu.

ZEREGINAK

Ikastetxe bakoitzak bere interes eta beharretara ondoen egokitzen den elkarbizitzaren behatokia ezarriko du, kontuan hartuz **hezkuntza-sektore guztien partaidetzarako organoa** dela. Ikastetxearen beraren gobernu-organook zehazten duen maiztasunaz bilduko dira, eta behatokiaren zereginak finkatuko ditu. Honako hauek izan daitezke zereginetako batzuk:

- 1.- Sistematikoki ikastetxeko elkarbizitzaren inguruko datuak bildu eta aztertzea.
- 2.- Arrisku-faktoreak identifikatu eta ekintza eraginkorrak proposatzea.
- 3.- Prestakuntza-arloko jarduerak proposatzea.
- 4.- Elkarbizitza Planaren garapena, jarraipena eta ebaluazioa.
- 5.- Estamentu guztien parte-hartze aktiboa, bereziki ikasleena, sustatzea.

6.- Elkarbizitza positiboa bultzatzea: festak antolatu, kanpainak, gatazkak ebazteko lantegiak, bitartekaritza eta hezkuntza-konpromisoetarako laguntzak, neurri zuzentzaileen bultzada...

7.- Ikastetxeko elkarbizitzarako araudia aztertu eta hobetzeko prozesuak proposatzea.

8.- Indarkeria eta eskola-jazarpeneko balizko kasuak antzematea.

9.- Inguruarekin harremanak sortzea. Inguruko erakunde eta entitateekin batera lan egitea elkarbizitzari laguntzeko.

10.- Urteko planeko elkarbizitza hobetzeko helburuak proposatzea.

Elkarbizitzaren Behatokiak, aurreko ikasturteko ebaluazioa oinarritzat hartuta, hurrengo ikasturterako helburuak eta ekintzak proposatuko ditu, eta aurreikusitako ekintzak planifikatu, antolatu eta praktikan jarriko ditu. Ekintza horiek Ikastetxeko Urteko Planean jasoko dira Urteko Elkarbizitza Planaren barruan.

Horrez gain, *Hezkuntza sisteman hezkidetzaren eta genero-indarkeriaren prebentzioa lantzeko Gida Planaren* arabera, ikastetxeetako Elkarbizitzaren Behatokiaren lana izango da prebentzioaren, genero-indarkeriaren eta sexismoaren ondorio diren genero-indarkeria eta edonolako indarkeriaren inguruko alderdiak.

KIDEAK

- Kontuan hartu behar dira:

1.- Ikastetxearen tamaina, beharrak, interesak...

2.- Eskola-komunitate osoko partaidetza ziurtatu.

- Partaideak:
 - Zuzendaritza taldeko kide bat.
 - Bi irakasle.
 - Ikasleen bi ordezkari.
 - Garraio edo jantokiko ordezkari bat.
 - Guraso edo arduradun legal bi.
 - Orientazio saileko lagun bat.

FUNTZIONAMENDUA

Behatokiak berak zehaztuko ditu urteko helburu, asmo eta zereginak, bere esku izango dituen baliabide eta partaide kopuruaren arabera.

Bere funtzioak aurrera eramateko gutxienez hiru bilera egingo ditu: ikasturtearen hasieran (UEPren onarpena), bigarren hiruhilekoan (UEPren jarraipena) eta ikasturte amaieran (UEPren ebaluazioa eta memoria).

Bilerak ordutegi lektiboan egingo dira, ikasleen parte hartzea ahalbidetzeko.